

四庫全書

集部

欽定四庫全書

集部

古今詩刪卷

二十五
二十二

詳校官中書_臣李采

侍讀_臣孫球覆勘

總校官庶吉士_臣倉聖脉

校對官待詔_臣胡士震

謄錄監生_臣黃熙純

欽定四庫全書

古今詩刪卷二十

明 李攀龍 編

唐五言絕句

題袁氏別業

賀知章

主人不相識 偶坐為林泉
莫謾愁沽酒 囊中自有錢

夜送趙縱

楊炯

趙氏連城璧 由來天下傳
送君還舊府 明月滿前川

易水送別

駱賓王

此地別燕丹，壯士髮衝冠。
昔時人已沒，今日水猶寒。

贈喬侍御

陳子昂

漢庭榮巧宦，雲閣薄邊功。
可憐驄馬使，白首為誰雄。

子夜春歌二首

郭振

陌頭楊柳枝，已被春風吹。
妾心正斷絕，君懷那得知。

其二

青樓含日光，綠池起風色。
贈子同心花，殷勤此何極。

南樓望

盧俱

去國三巴遠登樓萬里春傷心江上客不是故鄉人

汾上驚秋

蘇頌

北風吹白雲萬里渡河汾心緒逢搖落秋聲不可聞

蜀道後期

張說

客心爭日月來往預期程秋風不相待先至洛陽城

照鏡見白髮

張九齡

宿昔青雲志蹉跎白髮年誰知明鏡裏形影自相憐

同洛陽李少府觀永樂公主入蕃

孫逖

邊地鶯花少年來未覺新
美人天上落龍塞始應春

靜夜思

李白

牀前看月光疑是地上霜
舉頭望明月低頭思故鄉

怨情

李白

美人捲珠簾深坐嚬蛾眉
但見淚痕濕不知心恨誰

秋浦歌

李白

白髮三千丈綠愁似箇長
不知明鏡裏何處得秋霜

獨坐敬亭山

李白

衆鳥高飛盡孤雲獨去閒相看兩不厭只有敬亭山

見京兆韋叅軍量移東陽

李白

潮水還東海流人却到吳相逢問愁苦淚盡日南珠

臨高臺

王維

相送臨高臺川原杳何極日暮飛鳥還行人去不息

班婕妤

王維

宮殿生秋草君王恩幸疎那堪聞鳳吹門外度金輿

雜詩

王維

家住孟津河門對孟津口常有江南船寄書家中否

送別

王維

山中相送罷日暮掩柴扉春草年年綠王孫歸不歸

鹿柴

王維

空山不見人但聞人語響返景入深林復照青苔上

竹里館

王維

獨坐幽篁裏彈琴復長嘯深林人不知明月來相照

長信草

崔國輔

長信宮中草年年愁處生時侵珠履跡不使玉階行

少年行

崔國輔

遺却珊瑚鞭白馬驕不行章臺折楊柳春日路傷情

送朱大入秦

孟浩然

遊人五陵去寶劍直千金分首脫相贈平生一片心

春曉

孟浩然

春眠不覺曉處處聞啼鳥夜來風雨聲花落知多少

洛陽訪袁拾遺不遇

孟浩然

洛陽訪才子江嶺作流人聞說梅花早何如此地春

長安道

儲光羲

西行千里暝色生寒樹暗聞歌吹聲知是長安路

洛陽道

儲光羲

大道直如髮春日佳氣多五陵貴公子雙雙鳴玉珂

送郭司倉

王昌齡

映門淮水綠留騎主人明明月隨良掾春潮夜夜深

答武陵田太守

王昌齡

仗劍行千里微軀敢一言曾為大梁客不負信陵恩

孟城坳

裴迪

結廬古城下時登古城上古城非疇昔今人自來往

鹿柴

裴迪

日夕見寒山便為獨往客不知松林事但有麝麝跡

復愁

杜甫

萬國尚戎馬故園今若何昔歸相識少早已戰場多

絕句

杜甫

江碧鳥逾白，山青花欲燃。
今春看又過，何日是歸年。

長干行

李白

君家住何處，妾住在橫塘。
停船暫借問，或恐是同鄉。

詠史

高適

尚有綈袍贈，應憐范叔寒。
不知天下士，猶作布衣看。

田家春望

高適

出門無所見，春色滿平蕪。
可嘆無知己，高陽一酒徒。

行軍九日思長安故園

岑參

強欲登高去無人送酒來遙憐故園菊應傷戰場開

見渭水思秦川

岑參

渭水東流去何時到雍州憑添兩行淚寄向故園流

登鶴雀樓

王之渙

白日依山盡黃河入海流欲窮千里目更上一層樓

終南望餘雪

祖詠

終南陰嶺秀積雪浮雲端林表明霽色城中增暮寒

罷相作

李適之

避賢初罷相樂聖且銜杯為問門前客今朝幾箇來

奉送五叔入京兼寄綦母三

李頎

陰雲帶殘日悵別此何時欲望黃山道無由見所思

左掖梨花

丘為

冷豔全欺雪餘香乍入衣春風且莫定吹向玉堦飛

九日陪元魯山登北城留別

蕭穎士

綿連漁川迥杳渺鴉路深彭澤興不淺臨風動歸心

平蕃曲二首

劉長卿

渺渺戍烟孤
茫茫塞草枯
隴頭那用閉
萬里不防胡

其二

絕漠大軍還
平沙獨戍閒
空留一片石
萬古在燕山

逢俠者

錢起

燕趙悲歌士
相逢劇孟家
寸心言不盡
前路日將斜

江行無題

錢起

咫尺愁風雨
匡廬不可登
祇疑雲霧窟
猶有六朝僧

秋夜寄丘二十二員外

韋應物

懷君屬秋夜散步詠涼天
空松子落幽人應未眠

聞鴈

韋應物

故園渺何處歸思方悠哉
淮南秋雨夜高齋聞鴈來

聽江笛送陸侍御

韋應物

遠聽江上笛臨觴一送君
還愁獨宿夜更向郡齋聞

答李瀚三首

韋應物

孤客逢春暮緘情寄舊遊
海隅人使遠書到洛陽秋

其二

馬卿猶有壁漁父自無家想子今何處扁舟隱荻花

其三

林中觀易罷溪上對鷗閒楚俗饒辭客何人最往還

婕妤怨

皇甫冉

花枝出建章鳳管發昭陽借問承恩者雙蛾幾許長

題竹林寺

朱放

歲月人間促烟霞此地多殷勤竹林寺更得幾回過

欽定四庫全書

古今詩刪
卷二十

秋日
耿漳

返照入閭巷憂來誰共語
古道少人行秋風動禾黍

和張僕射塞下曲二首
盧綸

鶯翎金僕姑燕尾繡蝥弧
獨立揚新令千營共一呼

其二

林暗草驚風將軍夜引弓
平明尋白羽沒在石稜中

別盧秦卿
司空曙

知有前期在難分此夜中
無將故人酒不及石尤風

幽州 李益

徑戍在桑乾年年薊水寒
殷勤驛西路北去向長安

三閭廟 戴叔倫

沅湘流不盡屈子怨何深
日暮秋風起蕭蕭楓樹林

思君恩 令狐楚

小苑鶯歌歇長門蝶舞多
眼看春又去翠輦不曾過

登柳州岷山 柳宗元

荒山秋日午獨上意悠悠
如何望鄉處西北是融州

秋風引

劉禹錫

何處秋風至蕭蕭送鴈羣朝來入庭樹孤客最先聞

翠路感懷

呂溫

馬嘶白日暮劍鳴秋氣來我心渺無際河上去徘徊

古別離

孟郊

欲別牽郎衣郎今到何處不恨歸來遲莫向臨邛去

尋隱者不遇

賈島

松下問童子言師採藥去只在此山中雲深不知處

宮中題

太宗皇帝

輦路生秋草上林花滿枝憑高何限意無復侍臣知

勸酒

于武陵

勸君金屈卮滿酌不須辭花發多風雨人生足別離

秋日湖上

薛瑩

落日五湖遊烟波處處愁浮沈千古事誰與問東流

題慈恩塔

荆叔

漢國山河在秦林草樹深暮雲千里色無處不傷心

伊州歌二首

樂府

聞道黃花戍頻年不解兵
可憐閨裏月偏照漢家營

其二

打起黃鶯兒莫教枝上啼
啼時驚妾夢不得到遼西

哥舒歌

西鄙人

北斗七星高哥舒夜帶刀
至今窺牧馬不敢過臨洮

答人

太上隱者

偶來松樹下高枕石頭眠
山中無歷日寒盡不知年



古今詩刪卷二十

欽定四庫全書

古今詩刪卷二十一

明 李攀龍 編

唐七言絕句

蜀中九日 王勃

九月九日望鄉臺他席他鄉送客杯
人情已厭南中苦鴻鴈那從北地來

渡湘江 杜審言

欽定四庫全書

古今詩
卷二十一

遲日園林悲昔遊
今春花鳥作遄愁
獨憐京國人南竄
不似湘江水北流

贈蘇綰書記

杜審言

知君書記本翩翩
為許從戎赴朔邊
紅粉樓中應計日
燕支山下莫經年

銅雀臺

劉廷琦

銅臺宮觀委灰塵
魏主園陵漳水濱
即今西望猶堪思
況復當時歌舞人

印山

沈佺期

北印山上列墳塋萬古千秋對洛城
城中日夕歌鐘起
山上唯聞松栢聲

送司馬道士遊天台

宋之問

羽客笙歌此地違
離筵數處白雲飛
蓬萊闕下長相憶
桐栢山頭去不歸

送梁六

張說

巴陵一望洞庭秋
日見孤峯水上浮
聞道神仙不可接

心隨湖水共悠悠

采蓮曲

賀知章

稽山雲霧鬱嵯峨鏡水無風也自波莫言春度芳菲盡
別有中流采芰荷

涼州詞

王翰

蒲桃美酒夜光杯欲飲琵琶馬上催醉臥沙場君莫笑
古來征戰幾人迴

清平調詞三首

李白

雲想衣裳花想容春風拂檻露華濃若非羣玉山頭見
會向瑤臺月下逢

其二

一枝濃豔露凝香雲雨巫山枉斷腸借問漢宮誰得似
可憐飛燕倚新粧

其三

名花傾國兩相歡長得君王帶笑看解釋春風無限恨
沉香亭北倚闌干

客中行

李白

蘭陵美酒鬱金香
玉盤盛來琥珀光
但使主人能醉客
不知何處是他鄉

峨眉山月歌

李白

峨眉山月半輪秋
影入平羌江水流
夜發清溪向三峽
思君不見下渝州

上皇西巡南京歌二首

李白

誰道君王行路難
六龍西幸萬人歡
地轉錦江成渭水

天迴玉壘作長安

其二

劍閣重關蜀北門上皇歸馬若雲屯
少帝長安開紫極重懸日月照乾坤

聞王昌齡左遷龍標尉遙有此寄

李白

楊花落盡子規啼聞道龍標過五溪
我寄愁心與明月隨風直到夜郎西

黃鶴樓送孟浩然之廣陵

李白

故人西辭黃鶴樓
烟花三月下揚州
孤帆遠影碧空盡
唯見長江天際流

陪族叔刑部侍郎曄及中書舍人賈至遊洞庭

湖李白

洞庭西望楚江分
水盡南天不見雲
日落長沙秋色遠
不知何處弔湘君

望天門山

李白

天門中斷楚江開
碧水東流至北迴
兩岸青山相對出

孤帆一片日邊來

早發白帝城

李白

朝辭白帝彩雲間
千里江陵一日還
兩岸猿聲啼不住
輕舟已過萬重山

舟下荆門

李白

霜落荆門江樹空
布帆無恙挂秋風
此行不為鱸魚膾
自愛名山入剡中

蘇臺覽古

李白

欽定四庫全書

古今詩集
卷二十一

舊苑荒臺楊柳新
菱歌清唱不勝春
只今惟有西江月
曾照吳王宮裏人

越中覽古

李白

越王勾踐破吳歸
義士還家盡錦衣
宮女如花滿春殿
只今惟有鷓鴣飛

與史郎中欽聽黃鶴樓上吹笛

李白

一為遷客去長沙
西望長安不見家
黃鶴樓中吹玉笛
江城五月落梅花

春夜洛城聞笛

李白

誰家玉笛暗飛聲，散入春風滿洛城。
此夜曲中聞折柳，何人不起故園情。

春宮曲

王昌齡

昨夜風開露井桃，未央前殿月輪高。
平陽歌舞新承寵，簾外春寒賜錦袍。

西宮春怨

王昌齡

西宮夜靜百花香，欲捲珠簾春恨長。
斜抱雲和深見月，

朦朧樹色隱昭陽

西宮秋怨

王昌齡

芙蓉不及美人妝
水殿風來珠翠香
却恨含情掩秋扇
空懸明月待君王

長信秋詞三首

王昌齡

金井梧桐秋葉黃
珠簾不捲夜來霜
熏籠玉枕無顏色
卧聽南宮清漏長

其二

奉帚平明金殿開，且將團扇暫徘徊。
玉顏不及寒鴉色，猶帶昭陽日影來。

其三

真成薄命久尋思，夢見君王覺後疑。
火照西宮知夜飲，分明複道奉恩時。

青樓曲二首

王昌齡

白馬金鞍從武皇，旌旗十萬宿長楊。
樓頭少婦鳴箏坐，遙見飛塵入建章。

其二

馳道楊花滿御溝
紅妝謾綰上青樓
金章紫綬千餘騎
夫婿朝回初拜侯

閨怨

王昌齡

閨中少婦不知愁
春日凝妝上翠樓
忽見陌頭楊柳色
悔教夫婿覓封侯

出塞行

王昌齡

白草原頭望京師
黃河水流無盡時
秋天曠野行人絕

馬首東來知是誰

從軍行三首

王昌齡

烽火城西百尺樓
黃昏獨坐海風秋
更吹羌笛關山月
無那金閨萬里愁

其二

青海長雲暗雪山
孤城遙望玉門關
黃沙百戰穿金甲
不破樓蘭終不還

其三

秦時明月漢時關
萬里長征人未還
但使龍城飛將在
不教胡馬度陰山

梁苑

王昌齡

梁園秋竹古時烟
城外風悲欲暮天
萬乘旌旗何處在
平臺賓客有誰憐

芙蓉樓送辛漸

王昌齡

寒雨連江夜入吳
平明送客楚山孤
洛陽親友如相問
一片冰心在玉壺

送薛大赴安陸

王昌齡

津頭雲雨暗湘山
遷客離憂楚地顏
遙送扁舟安陸郡
天邊何處穆陵關

送別魏二

王昌齡

醉別江樓橘柚香
江風引雨入船涼
憶君遙在湘山月
愁聽清猿夢裏長

盧溪別人

王昌齡

武陵溪口駐扁舟
溪口隨君向北流
行到荆門上三峽

莫將孤月對猿愁

重別李評事

王昌齡

莫道秋江離別難
舟船明日是長安
吳姬緩舞留君醉
隨意清風白露寒

少年行

王維

新豐美酒斗十千
咸陽遊俠多少年
相逢意氣為君飲
繫馬高樓垂柳邊

九月九日憶山東兄弟

王維

獨在異鄉為異客每逢佳節倍思親遙知兄弟登高處
遍插茱萸少一人

與盧員外象過崔處士興宗林亭

王維

綠樹重陰蓋四鄰青苔日厚自無塵科頭箕踞長松下
白眼看他世上人

送元二使安西

王維

渭城朝雨裊輕塵客舍青青柳色新勸君更盡一杯酒
西出陽關無故人

送韋評事

王維

欲逐將軍取右賢
沙場走馬向居延
遙知漢使蕭關外
愁見孤城落日邊

送沈子福之江東

王維

楊柳渡頭行客稀
罍師盪漿向臨圻
惟有相思似春色
江南江北送君歸

春思二首

賈至

草色青青柳色黃
桃花歷亂李花香
東風不為吹愁去

春日偏能惹恨長

紅粉當壚弱柳垂金花
醵酒解酴醾笙歌日暮能留客
醉殺長安輕薄兒

西亭春望

賈至

日長風暖柳青青
北鴈歸飛入窅冥
岳陽城上聞吹笛
能使春心滿洞庭

初至巴陵與李十二白同泛洞庭湖二首

賈至

江上相逢皆舊遊
湘山永望不堪愁
明月秋風洞庭水

孤鴻落葉一扁舟

其二

楓岸紛紛落葉多
洞庭秋水晚來波
乘興輕舟無近遠
白雲明月弔湘娥

送李侍郎赴常州

賈至

雪晴雲散北風寒
楚水吳山道路難
今日送君須盡醉
明朝相憶路漫漫

岳陽樓重宴別王八員外貶長沙

賈至

江路東連千里潮青雲北望紫微遙莫道巴陵湖水濶
長沙南畔更蕭條

封大夫破播仙凱歌二首

岑參

漢將承恩西破戎捷書先奏未央宮天子預開麟閣待
祇今誰數貳師功

其二

日落轅門鼓角鳴千羣面縛出蕃城洗兵魚海雲迎陣
秣馬龍堆月照營

苜蓿峯寄家人

岑參

苜蓿峯邊逢立春
胡蘆河上淚沾巾
閨中只是空相憶
不見沙場愁殺人

玉關寄長安主簿

岑參

東去長安萬里餘
故人那惜一行書
玉關西望腸堪斷
況復明朝是歲除

逢入京使

岑參

故園東望路漫漫
雙袖龍鍾淚不乾
馬上相逢無紙筆

憑君傳語報平安

磧中作

岑參

走馬西來欲到天
辭家見月兩回圓
今夜不知何處宿
平沙萬里絕人烟

虢州後亭送李判官使赴晉絳

岑參

西原驛路挂城頭
客散江亭雨未休
君去試看汾水上
白雲猶似漢時秋

送人還京

岑參

疋馬西從天外歸，揚鞭只共鳥爭飛。
送君九月交河北，雪裏題詩淚滿衣。

赴北庭度隴思家

岑參

西向輪臺萬里餘，也知鄉信日應疎。
隴山鸚鵡能言語，為報家人數寄書。

酒泉太守席上醉後作

岑參

酒泉太守能劍舞，高堂置酒夜擊鼓。
胡笳一曲斷人腸，坐客相看淚如雨。

送劉判官赴磧西

岑參

火山五月人行少
看君馬去疾如鳥
都使行營太白西
角聲一動胡天曉

山房春事

岑參

梁園日暮亂飛鴉
極目蕭條三兩家
庭樹不知人去盡
春來還發舊時花

寄孫山人

儲光羲

新林二月孤舟還
水滿清江花滿山
借問故園隱君子

時時來往往人間

贈花卿

杜甫

錦城絲管日紛紛
半入江風半入雲
此曲祇應天上有
人間能得幾回聞

贈鄭鍊赴襄陽

杜甫

鄭子將行罷使臣
囊無一物獻尊親
江山路遠羈離日
裘馬誰為感激人

奉和嚴國公軍城早秋

杜甫

秋風娟娟動高旌玉帳分弓射虜營已收滴博雲間戍
更奪蓬婆雪外城

解悶

杜甫

一辭故國十經秋每見秋瓜憶故丘今日南湖采薇蕨
何人為覓鄭瓜州

書堂飲既夜復邀李尚書下馬月下賦絕句

杜甫

湖月林風相與清殘樽下馬復同傾久拚野鶴如雙鷺
遮莫隣雞下五更

塞下曲二首

常建

玉帛朝回望帝鄉，烏孫歸去不稱王。
天涯靜處無征戰，兵氣銷為日月光。

其二

北海陰風動地來，明君祠上望龍堆。
髑髏皆是長城卒，日暮沙場飛作灰。

送宇文六

常建

花映垂楊漢水清，微風林裏一枝輕。
即今江北還如此，

愁殺江南離別情

三日尋李九莊

常建

雨歇楊林東渡頭
永和三日盪輕舟
故人家在桃花岸
直到門前谿水流

九曲詞

高適

鐵騎橫行鐵嶺頭
西看邏虜取封侯
清海只今將飲馬
黃河不用更防秋

除夜作

高適

旅館寒燈獨不眠
客心何事轉悽然
故鄉今夜思千里
霜鬢明朝又一年

塞上聽吹笛

高適

雪淨胡天牧馬還
月明羌笛戍樓間
借問梅花何處落
風吹一夜滿關山

別董大

高適

十里黃雲白日曛
北風吹鴈雪紛紛
莫愁前路無知己
天下誰人不識君

古今詩刪卷二十一

欽定四庫全書

古今詩刪卷二十二

明 李攀龍 編

唐七言絕句

送杜十四之江南

孟浩然

荆吳相接水為鄉
君去春江正淼茫
日暮孤舟何處泊
天涯一望斷人腸

寄韓鵬

李頎

為政心閒物自閒
朝看飛鳥暮飛還
寄書河上神明宰
羨爾城頭姑射仙

九日

雅國輔

江邊楓落菊花黃
少長登高一望鄉
九日陶家雖載酒
三年楚客已沾裳

題長安主人壁

張謂

世人結交須黃金
黃金不多交不深
縱令然諾暫相許
終是悠悠行路心

送人使河源

張謂

故人行役向邊州
匹馬今朝不少留
長路關山何日盡
滿堂絲竹為君愁

涼州詞

王之渙

黃河遠上白雲間
一片孤城萬仭山
羌笛何須怨楊柳
春風不度玉門關

九日送別

王之渙

蘄庭蕭瑟故人稀
何處登高且送歸
今日暫同芳菊酒

金瓶梅
卷二十二
明朝應作斷蓬飛

洛陽客舍逢祖詠留宴

蔡希寂

綿綿鐘漏洛陽城
客舍貧居絕送迎
逢君貰酒因成醉
醉後焉知世上情

少年行

吳象之

承恩借獵小平津
使氣常遊中貴人
一擲千金渾是膽
家徒四壁不知貧

江南行

張潮

茨菰葉爛別西灣蓮子花開猶未還
妾夢不離江上水
人傳郎在鳳凰山

軍城早秋

嚴武

昨夜秋風入漢關朔雲邊月滿秋山
更催飛將追驕虜
莫遣沙場匹馬還

春行寄興

李華

宜陽城下草萋萋澗水東流復向西
芳樹無人花自落
春山一路鳥空啼

宴城東庄

崔敏童

一年又過一年春百歲曾無百歲人能向花中幾回醉
十千沽酒莫辭貧

奉和宴城東庄

崔惠童

一月主人笑幾回相逢相值且銜杯眼看春色如流水
今日殘花昨日開

巫山

張子容

巫嶺峇峴天際重佳期宿昔願相從朝雲暮雨連天暗

神女知來第幾峯

第一疊

水調歌

平沙落日大荒西
隴上明星高復低
孤山幾處看烽火
戰士連營候鼓聲

第二疊

涼州歌

朔風吹葉鴈門秋
萬里烟塵昏戍樓
征馬長思青海上
胡笳夜聽隴山頭

第一曲

水鼓子

雕弓白羽獵初回
薄夜牛羊復下來
夢水河邊秋草合
黑山峯外陣雲開

雜詩

才調詩

無定河邊暮笛聲
赫連臺畔旅人情
函關歸盡千餘里
一夕秋風白髮生

初過漢江

蘆中集

襄陽好向峴亭看
人物蕭條值歲闌
為報習家多置酒
夜來風雪過江寒

胡笳曲

盧中集

月明星稀霜滿野
羶車夜宿陰山下
漢家自失李將軍
單于公然來牧馬

塞上曲二首

王烈

紅顏歲歲老金微
砂磧年年卧鐵衣
白草城中春不入
黃花戍上鴈長飛

其二

孤城夕對戍樓閒
迴合青冥萬仞山
明鏡不須生白髮

風沙自解老紅顏

邊詞 張敬忠

五原春色舊來遲二月垂楊未挂絲
即今河畔冰開日正是長安花落時

九日宴 張諤

秋葉風吹黃颯颯晴雲日照白鱗鱗
歸來得問茱萸女今日登高醉幾人

和李秀才邊庭四時怨 盧弼

春

春衣昨夜到榆關故國烟花想已殘
少婦不知歸未得朝朝應上望夫山

冬

朔風吹雪透刀瘢飲馬長城窟更寒
半夜火來知有敵一時齊保賀蘭山

宿疎陂驛

王周

秋染棠梨葉半紅荊州東望草平空
誰知孤宦天涯意

微雨蕭蕭古驛中

重送裴郎中貶吉州

劉長卿

猿啼客散暮江頭
人自傷心水自流
同作逐臣君更遠
青山萬里一孤舟

送李判官之潤州行營

劉長卿

萬里辭家事鼓輦
金陵驛路楚雲西
江春不肯留行客
草色青青送馬蹄

歸鴈

錢起

瀟湘何事等閒回水碧沙明兩岸苔二十五絃彈夜月
不勝清怨却飛來

登樓寄王卿

韋應物

踏閣攀林恨不同楚雲滄海思無窮數家砧杵秋山下
一郡荊榛寒雨中

送魏十六還蘇州

皇甫冉

秋夜沈沈此送君陰蟲切切不堪聞歸舟明日毘陵道
回首姑蘇是白雲

曾山送別

皇甫冉

淒淒遊子若飄蓬
明月清樽祇暫同
南望千山如黛色
愁君客路在其中

寒食

韓翃

春城無處不飛花
寒食東風御柳斜
日暮漢宮傳蠟燭
輕烟散入五侯家

送客知鄂州

韓翃

江口千家帶楚雲
江花亂點雪紛紛
春風落日誰相見

青翰舟中有鄂君

送劉侍郎

李端

幾人同入謝宣城未及酬恩隔死生
唯有夜猿知客恨
嶧陽溪路第三聲

楓橋夜泊

張繼

月落烏啼霜滿天江楓漁火對愁眠
姑蘇城外寒山寺
夜半鐘聲到客船

聽角思歸

顧況

故園黃葉滿青苔
夢後城頭曉角哀
此夜斷腸人不見
起行殘月影徘徊

宿昭應

顧況

武帝祈靈太一壇
新豐樹色繞千官
那知今夜長生殿
獨閉空山月影寒

湖中

顧況

青草湖邊日色低
黃茅嶂裏鷓鴣啼
丈夫飄蕩今如此
一曲長歌楚水西

夜發袁江寄李穎川劉侍郎

戴叔倫

半夜回舟入楚鄉，月明山水共蒼蒼。
孤猿更叫秋風裏，不是愁人亦斷腸。

寄楊侍御

包何

一官何幸得同時，千載無媒獨見遺。
今日不論腰下組，請君看取鬢邊絲。

汴河曲

李益

汴河東流無限春，隋家宮闕已成塵。
行人莫上長堤望，

風起楊花愁殺人

聽曉角 李益

邊霜昨夜墮關榆吹角當城片月孤無限塞鴻飛不度

秋風吹入小單于

夜上受降城聞笛 李益

回樂峯前沙似雪受降城外月如霜不知何處吹蘆管

一夜征人盡望鄉

從軍北征 李益

天山雪後海風寒橫笛偏吹行路難
磧裏征人三十萬
一時回首月中看

楊柳枝詞二首

劉禹錫

煬帝行宮汴水濱
數株殘柳不勝春
晚來風起花如雪
飛入宮牆不見人

其二

城外春風颭酒旗
行人揮袂日西時
長安陌上無窮樹
惟有垂楊綰別離

宿都亭有懷

劉禹錫

雷雨湘江起卧龍
武陵樵客躡仙踪
十年楚水楓林下
今夜初聞長樂鐘

與歌者何戡

劉禹錫

二十餘年別帝京
重聞天樂不勝情
舊人唯有何戡在
更與殷勤唱渭城

浪淘沙詞

劉禹錫

鸚鵡洲頭浪颭沙
青樓春望日將斜
唧泥燕子爭歸舍

獨自狂夫不憶家

自朗州至京戲贈看花諸君子

劉禹錫

紫陌紅塵拂面來
無人不道看花回
玄都觀裏桃千樹
盡是劉郎去後栽

涼州詞

張籍

鳳林關裏水東流
白草黃榆六十秋
邊將皆承主恩澤
無人解道取涼州

十五夜望月

王建

中庭地白樹棲鴉
冷露無聲濕桂花
今夜月明人盡望
不知秋思在誰家

送盧起居

武元衡

相如擁傳有光輝
何事闌干淚濕衣
舊府東山餘妓在
重將歌舞送君歸

嘉陵驛

武元衡

悠悠風旆遶山川
山驛空濛雨作烟
路半嘉陵頭已白
蜀門西更上青天

漢苑行

張仲素

回鴈高飛太液池
新花低發上林枝
年光到處皆堪賞
春色人間總未知

秋閨思二首

張仲素

碧窓斜月藹深輝
愁聽寒蟬淚濕衣
夢裏分明見關塞
不知何路向金微

其二

秋天一夜靜無雲
斷續鴻聲到曉聞
欲寄征人問消息

居延城外又移軍

郡中即事

羊士諤

紅衣落盡暗香殘
葉上秋光白露寒
越女含情已無限
莫教長袖倚闌干

登樓

羊士諤

槐柳蕭疎繞郡城
夜添山雨作江聲
秋風南陌無車馬
獨上高樓故國情

浩初上人見貽絕句欲登仙人山因以訓之

柳

宗元

珠樹玲瓏隔翠微
病來方外事多違
仙山不屬分符客
一任凌空錫杖飛

題延平劍潭

歐陽詹

想象精靈欲見難
通津一去水漫漫
空餘千載凌霜色
長與澄潭白日寒

聞白樂天左降江州司馬

元稹

殘燈無焰影幢幢
此夕聞君謫九江
垂死病中驚坐起

暗風吹雨入寒窓

胡渭州

張祐

亭亭孤月照行舟
寂寂長江萬里流
鄉國不知何處是
雲山漫漫使人愁

雨淋鈴

張祐

雨淋鈴夜却歸秦
猶是張徽一曲新
長說上皇垂淚教
月明南內更無人

集靈臺

張祐

號國夫人承主恩
平明騎馬入金門
却嫌脂粉污顏色
淡掃蛾眉朝至尊

渡桑乾

賈島

客舍并州已十霜
歸心日夜憶咸陽
無端更渡桑乾水
却望并州是故鄉

成德樂

王表

趙女乘春上畫樓
一聲歌發滿城秋
無端更唱關山曲
不是征人亦淚流

漢宮詞

李商隱

青雀西飛竟未回
君王長在集靈臺
侍臣最有相如渴
不賜金莖露一杯

夜雨寄北

李商隱

君問歸期未有期
巴山夜雨漲秋池
何當共剪西窗燭
却話巴山夜雨時

寄令狐郎中

李商隱

嵩雲秦樹久離居
雙鯉迢迢一紙書
休問梁園舊賓客

茂陵秋雨病相如

秋思 許渾

琪樹西風枕簟秋
楚雲湘水憶同遊
高歌一曲掩明鏡
昨日少年今白頭

江樓書感 趙嘏

獨上江樓思悄然
月光如水水連天
同來翫月人何在
風景依稀似去年

折楊柳枝詞 段成式

枝枝交影鎖長門
嫩色曾霑雨露恩
鳳輦不來春欲盡
空留鶯語到黃昏

宮怨
司馬禮

柳色參差掩畫樓
曉鶯啼送滿宮愁
年年花落無人見
空逐春泉出御溝

宴邊將
張喬

一曲涼州令不清
邊風蕭颭動江城
坐中有老沙場客
橫笛休吹塞上聲

退朝望終南山

李拯

紫宸朝罷綴鸛鷺
丹鳳樓前駐馬看
唯有終南山色在
晴明依舊滿長安

華清宮

崔魯

草遮回磴絕鳴鑾
雲樹深深碧殿寒
明月自來還自去
更無人倚玉闌干

古別離

韋莊

晴烟漠漠柳毵毵
不那離情酒半酣
更把玉鞭雲外指

欽定四庫全書

古今詩冊
卷二十二

斷腸春色在江南

宮詞 李建勳

宮門長閉舞衣閒
略識君王髻便斑
却羨落花春不管
御溝流得到人間

僧院 靈一

虎溪閒月引相過
帶雪松枝挂薜蘿
無限青山行欲盡
白雲深處老僧多

古今詩刪卷二十二

欽定四庫全書

古今詩刪卷二十三

明 李攀龍 編

明五言古詩

郊遊

劉基

草根螻蝻鳴湖上
蒹葭靡繁林
溺深綠清池
散圓紫離
居昧節序
陶情賴佳士
泛舟出郊甸
緩步信所履
壺觴
展倡酬
及此晴日美
嘯歌望山川
慷慨集悲喜
歸雲入

禹穴返照射宛委鳥啼樹有風帆過烟在水興盡各言
還適意聊復爾

感懷

劉基

我有綠綺琴其材出空桑金徽映玉軫音韻鏘琳琅上
絃感薰風下絃來鳳凰世耳不欲聞子期今則亡願持
獻重華路阻川無梁

晚同舟上人登獅子巖作

劉基

落日下前峯輕烟生遠林雲霞媚餘姿松柏澹清陰振

欽定四庫全書

古今詩刪卷二十三

明 李攀龍 編

明五言古詩

郊遊 劉基

草根螻蛄鳴湖上蒹葭靡繁林
溺深綠清池散圓紫離
居昧節序陶情賴佳士
泛舟出郊甸緩步信所履
壺觴展倡酬及此晴日美
嘯歌望山川慷慨集悲喜
歸雲入

禹穴返照射宛委鳥啼樹有風帆過烟在水興盡各言
還適意聊復爾

感懷

劉基

我有綠綺琴其材出空桑金徽映玉軫音韻鏘琳琅上
絃感薰風下絃來鳳凰世耳不欲聞子期今則亡願持
獻重華路阻川無梁

晚同方舟上人登獅子巖作

劉基

落日下前峯輕烟生遠林雲霞媚餘姿松柏澹清陰振

策縱幽步披榛陟層岑
槿花籬上明莎雞草間吟涼風
自西來颼颼吹我襟
榮華能幾時搖落方自今
逝川無停波急絃有哀音
顧瞻望四方悵焉愁思深

旅興
劉基

日落天氣涼逍遙步庭墀
蟋蟀已在宇鴻鴈來何遲
少壯輕遠遊衰老傷別離
念我親與友各在天一涯
音容兩契濶悲歡絕相知
鍛羽懷舊林葺鱗思故池
百年能幾何逝者無還期
俯仰增感歎有懷當語誰
殷勤託宵

夢聊用慰所思

琴清堂

劉基

亭亭嶧陽桐，斲為綠綺琴。
絙之朱絲絃，彈成白雪音。
虛堂夜迢迢，華月耿疎林。
鳳凰天上來，虬龍水中吟。
曲罷起太息，無人知此心。

慧聚寺

高啓

鳴鐘警迷方，枯松兀趺牀。
石姿生寒稜，松子落古香。
殿鎖山雨氣，樓迎海暎光。
遙望蒼蒼城，中有車馬場。

剡原 高啓

欲知溪流長百轉來越嶠舟行安能極嵐路入斜照清
景不足娛昔人豈辭詔石研久難磨空林閉遺廟

書北山精舍壁 袁凱

夙昔慕幽曠中年值奔走及茲始知返顧已成皓首茲
為山水選風氣固深厚清泉寫幽磴白雪被層阜既多
緇素流況有耕釣叟初心已云協雅言得兼受始來疎
梅墮復此山櫻剖庶幾去日遲誰謂行當久揮手謝朋

侶吾將寄衰朽

遊習池 薛瑄

谷口一逕入蒼山
四邊開中有習池
水水碧無纖埃微
風一蕩拂林影久
徘徊寒光空心性
俯翫何悠哉

古東門行 張洪

僕夫顧我悲轅馬
跼不行古來離別
地青草不復生居
人攀桃李悵望難
為情流塵起阡陌
遠樹花冥冥欲向
東門道唱此東門
行土中有朽骨聞
之復心驚

送蔡帥備真州

李夢陽

賜舟踰長淮登陴望大江
氣勢何鬱盤皇矣貞我邦
宮殿槩高攄山變青蒼橫
颼靜霜夕天塹如沸湯時
平智士拙貨賤良賈藏無
言邊境勲寧居亦慨慷

赴懷玉山

李夢陽

始臨清溪寺不謂茲路艱
崎嶇踰南嶺轉見山鬱盤
重陰起百谷凍雨響前巒
志定邁孰禦勇往竟孤攀
挽葛接懸狄架木凌飛湍
律律巖壑變颼颼嵐風寒
隔港望

絕岫崢嶸已雲端

功德寺

李夢陽

宣宗昔行幸游戲玉泉傍立宇表巖嶮開池荷芰香波
樓逶蹙沓風松奏笙簧百靈具來朝落日錦帆張萬乘
雷霆動千岩滅流光綺繡錯展轉翠旗沓低昂法眷撞
鐘鼓宮女拭御牀笙鏞沸兩序星斗宿岩廊至尊奉太
后國事付三楊六軍各晏眠百官守舊章巡非瑤水遠
跡豈玉臺荒嗚呼百年來回首一慨傷鳳騰赤霄暮龍

歸竟茫茫山風撼網戶紫殿生夜霜退朝值休沐我行
暫翱翔娟娟登岸林慘慘度石梁廢道哀湍寫松栢間
成行啓鑰肅覽厯過位增悲涼積久灑掃缺乳鴿鳴膳
堂舊時琉璃井倒樹如人長神已佐上帝教猶托空王
鈴磬颯鳴戛晨昏禮相將盤遊非聖理操縱在先皇至
今朝廷上不改舊紀綱

三忠祠

李夢陽

憶昔漢孔明龍起答三顧志決竟星隕嘔血為軍務鄂

國與信國屹屹兩砥柱殺身不救國冤憤水東注往事
勒鐘鼎新廟傍官路慘慘冠劍並凜凜生魂聚翠旗晚
明滅往往鬼神駐懷嘆各不申翻然向烟霧我征久奔
迫過此感傷屢時來肅展謁繫馬門前樹香臺野巖上
羅幔蟲蟻蛀烈士為吞聲清風激頑懦

湘妃怨

李夢陽

采蘭湘北沚寒木澧南潯淥水含瑤彩微風託玉音雲
起蒼梧夕日落洞庭陰不知篴竹苦惟見淚斑深

山中

李夢陽

山中雨乍歇一夜瑤草長
風吹翠巖竹下應石瀨響
時來展書坐悠悠絕塵想

九潭

李夢陽

峒峒千仞嶺下有百尺潭
夕風起微瀾潏潏動晴嵐
俯之鑒我心佇翫雲波涵
流蕤颺寒清躍魚胡可探
蹊暝樵響歇猿鳥來相叅
寄語泥中物長蟠恐未堪

送劉侍御

何景明

臺臣今按地聖祖舊開疆白雲萬里來千載還帝鄉伊
昔草昧初血戰塵茫茫一馬渡天塹六龍飛淮揚堯階
起三尺禹跡拓八荒江海控形勢邦家存紀綱遐哉百
年餘世變隳其常城社穴狐鼠當途走豺狼君埋都亭
輪再覩司隸章述職屬茲歲巡狩代我王泛舟波濤急
塞幕風日涼鷹隼在寥濶一擊乘秋霜

送崔氏二首

何景明

疇昔衣冠士同遊若雲爛懽宴未及終存亡在轉盼亡

者長沈埋存者各漂散俯仰天地間念之一惋嘆出門
送我友言返故鄉縣登高望古疆河衛浩以漫山川白
日冥匹馬啼相亂愴惻懷征途令我腸中斷

其二

飄飄山上葛累累田中瓠苟非同根蒂纏綿安得固人
情易反覆結交有新故嗟哉夙昔好乖棄在中路明珠
儻無因按劍不我顧深言匪由衷白首為所誤亮君勗
恒德永副平生慕

雜感 孫一元

抱易住南山日與湖水對烟霞散不收晨昏變奇態亦
知避世心翛然自我輩乾坤古神器機運相謝代道術
獵羣動兀兀意獨在

古歌 高叔嗣

荆和當路泣良璞為誰明茫然大楚國白日失兼城燕
石十襲重魚目一笑輕古來共感歎今予益吞聲

黃金臺

王廷相

興邦良有激好賢輕千金破齊如反掌圖報一何深二
城乃不下疇測平生心白壁易為毀喟然傷古今

出聖水關往鳳凰山

頓銳

嶺兀攢沱寥參差入烟霧漸與人世隔遂愜平生素嵌
壁關門轉薦石亂流怒陰厓滙靈淵未冬已寒沍帶嶠
蒼靄微幕頂白雲度斷徑屢蹂接傾巖數狼顧肆貪意
興竒強制心膽怖睨憎仄磴危足試歌岑固絕壑乃無
地登天疑有路空寂排宴詮清虛獲玄悟

送李進士之京三首 劉汝松

春風飄岐路朝日照高城
青陽既駘蕩林薄亦芬榮
之子去安適迢遙入承明
皇居一何麗雙闕凌太清
白馬振長綏丹陛羅羣英
匪才慚寡用高步羨芳聲
盛年志四海豈徒夸與名

其二

迅足慕長道勁翮思遠颺
人生若弦筈良會豈有常
願得同婉孌何乃天一方
愛至望亦深念之結中腸
不及

塞門鴈仰視浮雲翔

其三

感時睠景光逡巡及春暮清川去不極日月奄馳騫君
才日以茂我髮日以素孤寒謝明時飛沈邈異路形跡
信乖違悽惻一還顧亭亭山上松氷霜色如故

送李子谷繼宗

青青澗中松鬱鬱河畔柳君子望歲寒攀折戀分首長
風吹征衣高臺餞良友驅車出西門揚鷺入北斗綵毫

照麗辭金壺注美酒人生足歡娛岐路願難久鴻鵠忽
奮飛嘉時諒不偶

宿玉陽山房

華察

返照明溪梁深松晦夕景巖卧符夙期雲陰石牀冷因
投物外心遂入清虛境天寒木葉疎月落山房靜然燈
獨不寐秋宵一何永

澄觀樓曉坐

華察

曉色澄秋林霞明映山翠貪竒事夙興爽氣醒殘醉空

霜日夜繁坐見木葉瘁天高宿霧收白雲出平地初日照重巖寒流響虛隧景物清心魂泠然起遐致

晚至湖上

華察

山中讀書罷來憇澄湖濱綠陰暗溪路草堂靜無塵平生滄洲意烟波夢垂綸石梁度落景花渚藏餘春閒情狎魚鳥悠然適吾真雲天澹晴霽空水明衣巾未遂乘桴願徒懷江海人

別子循凡赴黃州

皇甫濂

川途蒙霜雪之子懷遠征携手及初載感物感已盈山
林備含晦驚鳥兼離聲百卉斂徂化隆松表其貞繁星
流曙光白石鑿以明駕言邁荆牧揚舫越江城訟牒莅
遐方投沙屬遺英紆鬱風波意慷慨雲雨情喟余有所
思湖水廣且清微尚愜黜直寧慚濯長纓阻深歎無從
斯須獻款誠

春日訪于鱗天壇道署

皇甫濂

曉出城南郭芳垞展新矚柔莢秀綠野和烟蕩華旭穹

壇結翠氛玄宮麗瑤玉雲門藹以深芝臺厯紆曲彼美
丘壑姿寢療寄遐躅淪躋警宿心恬曠愴方足既擬長
卿慢兼抱邴生欲道勝物自遺神間象不束緬此逸世
途媿無區中祿至理非空詮亮懷在微勗且申離索情
茲往誰為告

藍田道中

靳學顏

遠薄藹蔥蒨危峯抗峻朗晻鬱紺烟流娟妙瑤臺上靈
境澹無言神理渺難放蹇翠披林深弄珠挹泉爽物性

總怡悅人和信駘蕩將諧遺世情庶永幽期賞撫景謝
良悟沿流牽念長軒丘有絕控綺園非近響悵矣託深
衷縈茲玄谷想

贈董明府

盧楠

皇阪多麟趾天地必龍翔明宰乘兩鳧列宿動精光閉
閣弄鳴琴清風起中堂

贈西亭中尉

盧楠

驅馬黃河渚栖迹夷門間公子盛物色俯仰罄交歡投

分重一諾千載不為難

寄于鱗二首

俞允文

涼風飄中野惻惻將何之世務多委曲龍性非俗宜君
子存遠鑒雅操方獨持息心都邑遊長嘯歸東菑遺榮
棄鄙議一往不復疑逍遙極歡情散髮臨川坻達人貴
止足斯義誠不虧引領佇所欽安能與我偕

其二

日夕思君子遘會何由期山澤阻且修念隔難克偕未

見致款曲亮由心相知相知不相見悠悠使我悲曠若
懷古人千載與我睽古人雖云遠詎令歡愛攜願言結
蘭芳卒歲永御之來章儻不乏應慰長渴飢

登齊雲山三首

陳有守

夙齡志遐討西征恣遊目三年歷大行旬月棲王屋洵
美自冀方駕言歸海陸策杖登雲峯振衣問天谷白岳
標神皋紫厓峙靈隩雲亭望仙馭虛館探真錄薄霄叩
金庭御風騁玉輅天門挹非烟日觀攀若木晞髮九垓

城舒嘯三洲閣叶乞山稱外臣樓居肇枚卜

其二

枚卜周四覽名區自天造金鑪縹灝光珠簾捲靈璫大
宇控赤螭御屏簇翠葆穆穆肅玄君翩翩朝五老鐘鼓
振東序笙鶴鳴前導有客負王局冲舉來蓬島長揖執
衣袂向余稱夙好弱水幾清淺邂逅苦不早傾壺飲沆
瀣出書授鴻寶謫名尚通籍為爾啓蒼昊

其三

昊宮開日月微垣列星辰青鳥擁絳節金函出玉宸爾
本天都侶伊昔軒帝臣容成共丞弼浮丘相主賓芝檢
俾司守丹鼎屬陶鈞謫居須百載升中應千春浮世以
遼邈拔宅何逡巡且辭白岳去行結黃山隣日逐龍鸞
隊長與烟霞親延佇蓬萊召劍海一揚塵

古意二首

王世貞

幄中有素質擬是吳宮姝腰間珮瑜珮耳綴大秦珠宛
若驚鴻度燧如舜華數動搖幽芬發行止官商俱游從

非古歡枉眴意相驅理亂併一身千金在須臾明誓指
秋天誰能信不渝臨當相訣絕抱此盡區區

其二

黃鵠辭天池周游於中土秋禾鬱如繡徘徊能無下所
顧充口腹當眸失果且斑斑原中雉躑躅同鼎俎以此
唳宵質俯首凡禽伍

擬魏太子丕公讌

王世貞

置酒臨西園澄夜佐微涼華蓋飄圓月列宿散陂塘景

風媚芙渠冉冉布奇芳清吹相間發驚鳥顧我翔急節
促飛觴為樂浩無方俄俄衆賓舉相與歌太康芙渠自
有根君子自有心良辰不重得命爵莫沈吟

擬左記室思詠史

王世貞

堯舜相為貴不能屈巢由挂瓢箕山樹洗耳渭水流四
岳等朝榮二女亦蜉蝣黃綺卧商巖目若無羸劉曄曄
五色芝可以飫千秋如何崦嵫路俯首建成侯神龍雖
自尊饑則鰕鱖流寒蟬雖自眇恥與燕雀謀

擬許真君詢自叙

王世貞

方朔稱大隱君平探幽蹈去矣無足嗟
吾將從所好春理雲上耕秋歸剡中釣
在物多饒境選隙時一造丹霞挾回漿
白雲裝行屨奔險吐葱蒨芊眠含呌窰
何以明有獲听然動微笑狗跡非餘術
資身良已要豈不愛薄名空谷將誰耀

擬謝僕射混游覽

王世貞

顧此有盡日慨焉生游思訊牒紛委馳
解者應自寄清

池溜叢薄沿洄信疲馬層觀景風返喬陵紫雲憇跳波
悅文鱗迴陽暖接翅黃菊荼蘼蕭條得其意時序非
良適取足竟有會寤歎言故歡幽芳徒延遲彼境如可
欣合并安所事

後湖閣宴眺

王世貞

崇麗多攀拘致遠足徜徉豈若登茲閣二美適有當高
棟切天居華譙冠文昌涼颼輶輶嘉蔭落日暴崇岡千甍
波鱗涌雙闕鳳翼張馳道東西直輪鞅正縱橫俯瞰澄

湖流皎若明鏡光
鳬鷺下游鬣
菰稗何蒼蒼雖無舟楫
具興至欲褰裳望舒
隨陽跋銀燈燐未央
上客襲主權行壽浩
無方徒御私相謫母
乃為太康

別于鱗

王世貞

置酒前為別炙笙理
哀絲中有艷明璫二
八絕代姿輕裾紛迴
風自然成蛾眉色授
不能道婉孌心所知
彈作雙鴛鴦流飈忽
間之含辛上車去引
領淚沾衣時俗慕朱
顏朱顏識為誰

初夏西園偶成

王世貞

高閣何沈沈初陽啓煩囂
訊牒縱橫至羣咻遞相要
雖靡片言才往往不崇朝
躡履向間除移牀就繁條
景風徐將拂池荷乍與交
綠竹吐修勁黃鳥展餘嬌
詩書安其所尊酒自為招
送日未畢歡來暝復攜
勞仕隱俄更盪靜躁竟難調
持鏡視朱顏那能長不彫

題萬言卿西原精舍二首

徐中行

矯矯豫章才偉識一何朗
蚤歲升當塗明堂振清響
輝

赫冠蓋間而獨秉高尚依依箕顙情寤寐發遐想九江
湧坐隅匡廬出諸掌魚鳥宛來親烟霞日排蕩曾是青
瑣居冷然白雲賞道勝貴陸沈天游謝塵網所以達賢
人金門寄偃仰

其二

伊昔讀書園藹藹章江郭高齋俯江流崇臺面廬嶂佳
氣何鬱盤川原莽迴薄丹霞射疎牖白雲蕩虛幕灑翰
激神颺披襟坐遼廓即今冠朝列故鄉日以邈長安十

二衢飛甍麗朱牖含意益沈漠每飯在丘壑混跡豈殊
衆忘筌會有托吐嗟曲士心精微疇能度

王元美

宗臣

天地何寥寥斯人懷苦心弱冠厲高翩翩翔藝林結
構入幽眇龍澗浚其深拂鬱神氣動萬象殊蕭森閉門
一亭思白日常陰陰雄視百代間豈復論古今悲歌以
慷慨顧盼酬知音不復測所之世人空追尋富貴亦云
樂而非情所欽寄謝當途子無徒耀華簪

還初至別業

宗臣

結髮游藝林翩翩二三子聞我返田廬亦復來相視峨
峨切雲冠蹒蹒東郭履入門把我衣歎息傷情理長跪
前謝客故人心乃爾昔者遠行邁悠悠日千里寒暑忽
以流眷念桑與梓況我同袍士惻愴何能已客請勿歎
息主人聊唯唯堂上列旨酒中厨薦嘉鯉今日樂復樂
驩言從此始

附

悲歌

高啓

征途險巖人乏馬饑富老不如貧少美遊不如惡歸浮
雲隨風零亂四野仰天悲歌淚數行下

送崔子

何景明

同賈知貪同食知甘予諒子懷如口弗爽予之有懷予
豈不諒謂人弗言言成禍矣謂人弗職職成過矣孰無
朋友倡誰和矣子曰弗仕子為父母子曰弗仕兄弟訖
予天子則不然朋友弗取

送張仲修

何景明

我視人之疾如裁我躬勿曰行弗動勿曰言弗用勿曰
我寡憚彼有衆

獨漉篇

何景明

獨漉獨漉驅車折軸不畏折軸但畏車覆茫茫者猶生
彼中衢雖有蘭蕙當門則鉏同行竊金相顧道左我實
不知彼則畏我食茶知苦食梅知酸狐裘之敝可以禦
寒有虎斑斑伏於林下我欲射虎愧無勁弩肅彼北風

渡彼中流豈不懷憂與子同舟

古今詩刪卷二十三